

# ODLUKA O VISINI KOMUNALNIH TAKSI NA PODRUČJU OPĆINE HADŽIĆI\*

(„Službene novine KS”, br. 14/22 i 1/26)

## Član 1. (Predmet)

Ovom Odlukom utvrđuje se visina komunalnih taksi (u daljem tekstu: takse) po predmetima i uslugama na području općine Hadžići u skladu sa Zakonom o komunalnim taksama Kantona Sarajevo i Zonama za određivanje komunalne takse.

## Član 2. (Osnove za plaćanje takse)

(1) Na području općine Hadžići propisuje se i naplaćuje taksa za:

**a) Obavljanje djelatnosti** (*izmjena 1/26*),

b) Držanje sredstava za igru i igre na sreću (bilijar, automati, fliperi, video igre, pikado i aparati za posebne igre na sreću),

c) Poslovni prostor u kojem se priređuju klasične igre na sreću i posebne igre na sreću koje su definisane odredbama Zakona o igrama na sreću ("Službene novine Federacije BiH", broj 48/15 i 60/15),

d) Držanje i izvođenje muzike uživo u ugostiteljskim objektima,

e) Isticanje objava, oglasa i saopćenja na javnim mjestima,

f) Korištenje prostora na javnim mjestima za kampove (šatore, prikolice, motorna vozila svih kategorija), deponije materijala i drugu privremenu upotrebu,

g) Postavljanje uređaja za isplatu i naplatu gotovine (bankomata i sl.) i

h) Postavljanje svih drugih uređaja koji putem automatske obrade podataka naplaćuju usluge gotovinom, karticama za naplatu ili posredstvom telekom operatera (kafemati, parkomati i slično).

(2) Izuzetno od stava (1) tačke a) ovog člana taksa se ne plaća za istaknutu firmu do veličine table 200x300 milimetara.

## Član 3. (Definiranje pojmova)

U smislu ove Odluke:

**a) Obavljanje djelatnosti podrazumijeva svaki oblik poslovanja koji obavljaju pravna ili fizička lica registrovana u skladu sa pozitivnim materijalnim propisima** (*izmjena 1/26*);

b) Držanje sredstava za igru (bilijar, automati, fliperi, video igre, pikado, aparati za posebne igre na sreću i sl.) podrazumijeva svaki uređaj kojim se naplaćuje provedeno vrijeme jednog ili više konzumenata takvih uređaja;

c) Poslovni prostor u kojem se priređuju klasične igre na sreću i posebne igre na sreću podrazumijeva svaki prostor u kojem se priređuju klasične igre na sreću i/ili posebne igre na sreću;

d) Držanje i izvođenje muzike uživo u ugostiteljskim objektima podrazumijeva povremeno ili svakodnevno izvođenje muzičkog programa uz pružanje ugostiteljskih usluga;

e) Isticanje objava, oglasa i saopćenja na javnim mjestima podrazumijeva svako objavljivanje, oglašavanje i reklamiranje na za to predviđenim mjestima u skladu sa odobrenjem nadležnog organa;

f) Svako korištenje prostora na mjestima za kampove (šatore, prikolice i motorna vozila svih kategorija) podrazumijeva zauzimanje prostora za privremeni boravak od strane jedne ili više osoba;

g) Postavljanje uređaja za isplatu i naplatu gotovine, (bankomata) podrazumijeva svako zauzimanje površine radi postavljanja i instaliranja ovakvih uređaja u svrhu pružanja usluga prema konzumentima;

h) Postavljanje svih drugih uređaja koji putem automatske obrade podataka naplaćuju usluge gotovinom, karticama za naplatu, ili posredstvom telekom operatera (kafemati, parkomati i sl.). U ovom slučaju se podrazumijeva postavljanje navedenih uređaja koji automatskom obradom podataka obračunavaju i naplaćuju razne vrste usluga bez osobnog posredovanja konzumenta sa pružaocem usluga koji može biti registriran kao fizička ili pravna osoba.

\* Odluka je objavljena u "Službenim novinama KS", broj 14/22 od 7. aprila 2022. godine. Izmjene i dopune Odluke su objavljene u "Službenim novinama KS", broj 1/26 od 8. januara 2026. godine. Odluka je donijeta na osnovu člana 6. Zakona o komunalnim taksama ("Službene novine Kantona Sarajevo", broj 8/22).

**Član 4.**

**(Nastanka obaveze)**

(1) Taksena obaveza iz člana 2. stav 1. tačka a) ove Odluke nastaje danom izdavanja rješenja o registraciji poreznog obveznika.

(2) Taksena obaveza iz člana 2. stav 1. tačke b) do h) ove Odluke nastaje u trenutku kada se počinje koristiti predmet ili usluga ili prostor za čije korištenje je ovom Odlukom propisano plaćanje komunalne takse.

**Član 5.**

**(Obveznici)**

(1) Takseni obveznici su sve pravne i fizičke osobe registrirane za obavljanje djelatnosti koje posluju na području općine Hadžići, odnosno osobe koje koriste predmet, prostor, ili pružaju usluge za čije korištenje je propisano plaćanje takse.

(2) Ako za istu taksu postoje dva ili više obveznika, njihova obaveza je solidarna.

**Član 6.**

**(Prijava/podnošenje taksene obaveze)**

(1) Prijavu za razrez komunalne takse porezni obveznik je dužan podnijeti Poreznoj ispostavi Hadžići (u daljem tekstu: Porezna uprava) do kraja februara tekuće godine, prema stanju na dan 01. januar tekuće godine za koju se razrez vrši, odnosno u roku od 15 dana od datuma izdavanja rješenja o registraciji ukoliko je porezni obveznik registrirao djelatnost u toku poslovne godine. Obveznik komunalne takse dužan je Poreznoj ispostavi Hadžići podnijeti prijavu za komunalnu taksu.

(2) Ukoliko takseni obveznik u propisanom roku ne podnese prijavu, ili dostavi netačne podatke, prijavu takse će izvršiti Porezna uprava u roku od 15 dana od isteka zakonskog roka u skladu sa odredbama Zakona o Poreznoj upravi Federacije BiH i podzakonskim aktima.

(3) Porezni obveznici, bez obzira na eventualno nepostojanje obaveze plaćanja takse, moraju podnijeti prijavu za razrez komunalne takse.

**Raniji stav (4) brisan ("Službene novine KS", broj 1/26).**

**Član 7.**

**(Obračun i način plaćanja)**

Taksa iz člana 2. ove Odluke se obračunava i plaća na način iz:

- a) tačke a) i c) - jednom u toku kalendarske godine u roku od petnaest dana po isteku roka za prijavljivanje takse;
- b) tačke b) - jednom u toku kalendarske godine, po jednom sredstvu za omogućavanje igara u roku od petnaest dana po isteku roka za prijavljivanje takse;
- c) tačke d), e), f), g) i h) - u roku od pet dana od isteka sedmice u kojoj je nastala taksena obaveza.

**Član 8.**

**(Zone)**

**I ZONA**

**I dio**

Veliko i Malo polje obuhvat regulacionog plana.

**II dio**

Mostarsko raskršće granicom Općine Ilidža, skreće putem iza "Coca-Cole" i vraća se prema magistralnom putu, granicom "Coca-Cole", do iza prvog niza objekata, granica dalje prati prvi niz objekata uz magistralni put, iza "Terre", iza "Maomexa", iza "Otpada" na imanju Zec, vraća se na M-17, ide starim putem iza kuća Rešidovića, pa se ponovo podiže iza prvog reda kuća uz magistralni put, iza ambulante do puta za Miševiće, puta kroz Malotinu, do puta za Dobrijevac, tim putem se vraća do iza škole i tom granicom se spušta do M-17, ide magistralnim putem do firme "Caparol", ide granicom iza "Caparola", iza "Rajza", ulica Industrijske zone - Garovci, spušta se do potoka, ide potokom do puta kroz Garovce, presijeca taj put ide putem pored "Rajza", ulica Garovci, obuhvata dva niza objekata iza "Rajza", ide granicom iza firme "Senam" Garovci broj 3, zatim iza prvog niza objekata uz M-17, ulica Stari hrast i to od broja 2 do broja 14, presjeca ulicu Stari hrast, dalje ide od broja 15 do broja 1, spušta se na M-17, iza kuće ul. Hadželi broj 2, spušta se na M-17, magistralnim putem do ulice 6. mart, prolazi iza "Remontnog zavoda", spušta se do puta za Griviće, vraća se tim putem, prolazi ispred kuće na adresi 6.mart broj 27, dalje ide ravno prema Dupovcima, obuhvata naselje Dupovci, obuhvata Kamenolom i spušta se na M-17, dalje se vraća željezničkom prugom kroz Hadžiće, Donje Hadžiće i Binježevo, skreće na mostu za Čate, ide Zujevinom do bunkera, iza "Penny" ul. Mostarsko raskršće i dolazi na početak.

**II ZONA**

**I dio**

Granicom Općine Ilidža do puta za stari kamenolom "Gabro" i u širini od 500 m paralelno se putem vraća na početak.

**II dio**

Granica ide željezničkom prugom, na most za Čate, put za Čate iza "Boletusa", nazad putem do mosta za Đapiće.

**III dio**

Granica ide od ulaza u Hadžiće, desnom stranom u širini od 500 m uz M-17 do starog puta u Kućicama do granice sa Remontnim zavodom.

**IV dio**

Od granice Remontnog zavoda do ulice Vihrica, pa se penje do ulice Vihrica, spušta se do raskršća tog puta sa putem za Drozgomjetvu, odatle paralelno sa putem za Drozgomjetvu, u širini 150 m, iza ulice Vrančići - Novo Naselje, granica dalje ide iza prvog reda kuća uz put za Drozgomjetvu, dalje putem Pirino vrelo, obuhvata dio u širini od 300 m uz put za Drozgomjetvu, iza farmi i spušta se na put za Drozgomjetvu pa se vraća nazad u istom smjeru, obuhvata Griviće, paralelno sa Remontnim zavodom, ide iza mezarja i spaja se sa granicom prve zone.

**V dio**

Granica ide ulicom Kasarna (Ušivak) do Ulice Igmanski put ispod Milinjače, nastavlja ulicom Igmanski put do objekta Igmanski put broj 108, nastavlja istim pravcem u dužini 300 m, spušta se dolinom do kapije "Kasarne Žunovnica", Žunovačka broj 121, obuhvata Ribnjak, u povratku prvi red kuća uz ulicu Žunovačka, penje se putem za mezarje Grahovište, ide iza prvog reda kuća uz ulicu Stara pruga do objekta Stara pruga broj 1, spušta se na ulicu Tinohovska, paralelno željezničkom prugom do željezničke stanice.

**VI dio**

Granica ide od ulaza u Gradac, obuhvata naselje Gradac, paralelno sa magistralnim putem u širini 300-400 m, ide iza Doma u Zoviku, ul. Donji Zovik broj 22, spušta se do magistralnog puta i paralelno sa njim ide iza prvog niza parcela do željezničke pruge, dalje ide željezničkom prugom kroz Pazarić, preko Beganove ravni do prevoja Osenik na magistralnom putu, zatim paralelno sa magistralnim putem kroz Milakovac iza prvog reda parcela do Sivica, na ulicu Suhodolska, penje se na željezničku prugu iznad Mlavice, dalje nožicom škarpe autoputa paralelno magistralnim putem do Raštelice, skretanje na stari put za Ivan, vraća se nazad paralelno sa magistralnim putem i vraća se u Tarčin iz pravca Mostara, iza Žegrepa, iza škole, u ulicu Civilnih žrtava rata, ravno do iza Silosa, ulica 27. juli, zatim ide iza prvog niza objekata do ulice Tarčin, zatim paralelno sa magistralnim putem do Kazine bare, u širini cca 200 m, obuhvata Kazinu baru i starim putem se vraća kroz Resnik, obuhvata Ribnjak u Ramićima, penje se na put za Grude i spušta na put za Karaosmanoviće, presijeca ulicu Šavničku, paralelno sa ulicom Bjelašnička, iza džamije, obuhvata dio Duba i dio Gornjeg Zovika i penje se na željezničku prugu, kojom se vraća na početak zone.

**III ZONA**

Obuhvata sva ostala područja na teritoriji općine Hadžići.

**Član 9.**

**(Iznos takse za obavljanje djelatnosti)**

(1) Za **svako obavljanje djelatnosti**, oznaku, obilježje ili natpis na poslovnim i drugim prostorijama, objektima i mjestima, kojima se označava da određeno pravno ili fizičko lice obavlja izvjesnu djelatnost ili zanimanje na području Općine Hadžići, utvrđuje se i plaća godišnja taksa u iznosima kako slijedi (*izmjena 1/26*):

a) Obrtnici/samostalni poduzetnici odnosno fizička lica kojima je shodno Zakonu i Pravilniku o porezu na dohodak odobreno plaćanje poreza na dohodak u paušalnom iznosu (paušalci) utvrđuje se i plaća godišnja taksa u iznosu od 100,00 KM;

b) Obrtnici/samostalni poduzetnici, odnosno fizička lica koja obavljaju poslovnu djelatnost, iznos komunalne takse uplaćuju kako slijedi:

c) Pravna lica (mikro, mala, srednja i velika pravna lica) iznos komunalne takse uplaćuju shodno visini prihoda koji su ostvarili u prethodnoj godini, kako slijedi:

OBRTNICI	I zona	II zona	III zona
Iznos komunalne takse za lica koja su imala prihod u prethodnoj godini manji od 25.000,00 KM, se uplaćuje u iznosu	100,00 KM	90,00 KM	80,00 KM
Iznos komunalne takse za lica koja su imala prihod u prethodnoj godini veći od 25.000,00 KM, a manji od 50.000,00 KM, se uplaćuje u iznosu	150,00 KM	140,00 KM	130,00 KM
Iznos komunalne takse za lica koja su imala prihod u prethodnoj godini veći od 50.000,00 KM, a manji od 100.000,00 KM, se uplaćuje u iznosu	200,00 KM	190,00 KM	180,00 KM
Iznos komunalne takse za lica koja su imala prihod u prethodnoj godini veći od 100.000,00 KM, se uplaćuje u iznosu	300,00 KM	280,00 KM	250,00 KM

## Kanton Sarajevo

Mikro, mala, srednja i velika pravna lica	I zona	II zona	III zona
Iznos komunalne takse za lica koja su imala prihod u prethodnoj godini manji od 100.000,00 KM, se uplaćuje u iznosu	300,00 KM	280,00 KM	250,00 KM
Iznos komunalne takse za lica koja su imala prihod u prethodnoj godini veći od 100.000,00 KM, a manji od 250.000,00 KM, se uplaćuje u iznosu	350,00 KM	330,00 KM	300,00 KM
Iznos komunalne takse za lica koja su imala prihod u prethodnoj godini veći od 250.000,00 KM, a manji od 500.000,00 KM, se uplaćuje u iznosu	400,00 KM	380,00 KM	350,00 KM
Iznos komunalne takse za lica koja su imala prihod u prethodnoj godini veći od 500.000,00 KM, a manji od 1.000.000,00 KM se uplaćuje u iznosu	500,00 KM	450,00 KM	400,00 KM
Iznos komunalne takse za lica koja su imala prihod u prethodnoj godini veći od 1.000.000,00 KM, a manji od 3.000.000,00 KM, se uplaćuje u iznosu	1.000,00 KM	950,00 KM	900,00 KM
Iznos komunalne takse za lica koja su imala prihod u prethodnoj godini veći od 3.000.000,00 KM, a manji od 5.000.000,00 KM, se uplaćuje u iznosu	2.000,00 KM	1.900,00 KM	1.800,00 KM
Iznos komunalne takse za lica koja su imala prihod u prethodnoj godini veći od 5.000.000,00 KM, a manji od 8.000.000,00 KM, se uplaćuje u iznosu	3.500,00 KM	3.300,00 KM	3.100,00 KM
Iznos komunalne takse za lica koja su imala prihod u prethodnoj godini veći od 8.000.000,00 KM, se uplaćuje u iznosu	5.000,00 KM	4.700,00 KM	4.400,00 KM

(2) Taksa za **obavljanje djelatnosti** razrezuje se i plaća u godišnjem iznosu za **obavljanje djelatnosti** zatečenu na dan 01. januar godine za koju se vrši razrez, srazmjerno periodu isticanja, a za **obavljanje djelatnosti** koja se ističe u toku godine, u visini koja odgovara srazmjerno vremenu isticanja firme do kraja godine (*izmjena 1/26*).

(3) Ukoliko Preduzeće registruje više od jedne poslovne jedinice na području općine Hadžići, obavezno je u skladu sa članom 2. stav (1) tačka a) ove Odluke uplatiti taksu za **obavljanje djelatnosti** svih poslovnih jedinica shodno visini prihoda koji je poslovna jedinica ostvarila u skladu sa stavom (1) ovog člana (*izmjena 1/26*).

### Član 10.

#### (Oslobađanje i umanjenje komunalne takse)

(1) Fizička ili pravna lica sa područja Općine Hadžići koja prvi put pokreću privrednu ili uslužnu djelatnost oslobađaju se plaćanja komunalne takse do kraja tekuće fiskalne godine.

(2) Obveznicima takse koji obavljaju djelatnost tradicionalnih i starih zanata-obrta koji su utvrđeni u Uredbi za zaštitu tradicionalnih i starih obrta ("Službene novine Federacije BiH", br. 66/09, 38/10 i 16/12) taksa se razrezuje u iznosu od 50% od propisane takse u članu 9. ove Odluke.

(3) Samostalnim privrednicima koji se vode u registrima fizičkih lica, a koji obavljaju trgovinsku djelatnost taksa se razrezuje u iznosu od 60% od propisane.

(4) Samostalnim privrednicima koji se vode u registrima fizičkih lica, a koji obavljaju ugostiteljsku ili građevinsku djelatnost taksa se razrezuje u iznosu od 70% od propisane.

(5) Taksa za **obavljanje djelatnosti** pravne ili fizičke osobe koja je na osnovu rješenja nadležnog organa prestala obavljati djelatnost u toku obračunskog perioda godine, će se obračunati za broj mjeseci odnosno dana u kojima je obavljala djelatnost (*izmjena 1/26*).

### Član 11.

#### (Iznos takse za sredstva za igru)

(1) Za držanje, odnosno korištenje sredstava za igru i igre na sreću, taksa se plaća godišnje i to po jednom komadu, odnosno predmetu i aparatu na način kako slijedi:

a) na bilijar stolove, automate, flipere, video igre, pikado i druga sredstva za igre 800 KM;

b) na aparate za posebne igre na sreću koji donose novac 2.000 KM.

(2) Pod aparatima koji donose novac podrazumjevaju se elektronski ili mehanički aparati koji tokom igre omogućavaju igraču dobitak u novcu ili žetonima koji su naplativi u novcu.

(3) Taksa za držanje sredstava za igru i igre na sreću razrezuje se i plaća unaprijed u godišnjem iznosu za sredstva za igru i igre na sreću zatečena na korištenju taksenog obveznika na dan 01. januara godine za koju se razrez vrši, srazmjerno periodu korištenja, odnosno periodu držanja, a za sredstva za igru i igre na sreću koja su se počela koristiti, odnosno držati, u toku godine u visini koja odgovara srazmjerno vremenu od dana držanja do kraja godine.

### Član 12.

#### (Iznos takse za priređivanje igre na sreću)

(1) Za svaki poslovni prostor u kojem se priređuju klasične igre na sreću i posebne igre na sreću priređivač igara je dužan uplatiti jednom godišnje taksu u iznosu od **15.000,00 KM** (*izmjena 1/26*).

(2) **Priređivač igara na sreću dužan je platiti komunalnu taksu u iznosu propisanom prethodnim stavom, dok je oslobođen plaćanja takse za obavljanje djelatnosti propisane članom 9. Odluke o visini komunalnih taksi na području općine Hadžići** (*izmjena 1/26*).

**Član 13.**

**(Iznos takse za držanje muzike)**

Za držanje i izvođenje muzike uživo u ugostiteljskim objektima plaća se dnevno taksa u iznosu od **100,00 KM** (izmjena 1/26).

**Član 14.**

**(Iznos takse za isticanje oglasa)**

Za isticanje objava, oglasa i sapoštenja (plakata i panoa) na javnim mjestima određenim za te namjene plaća se taksa i to:

- a) za seriju do 100 komada 100 KM
- b) za seriju preko 100 komada 200 KM
- c) za postavljanje stalnih panoa i displaja po 1 m<sup>2</sup> 10 KM godišnje.

**Član 15.**

**(Iznos takse za korištenje prostora na javnim mjestima)**

(1) Za korištenje slobodnih površina odnosno prostora na javnim mjestima za kampove (šatore, prikolice i motorna vozila svih kategorija), deponije materijala i drugu privremenu upotrebu plaća se dnevno taksa:

- a) za svaki šator 2 KM
- b) za kamp prikolicu 1 KM
- c) za motorno vozilo 1 KM
- d) za deponije materijala i drugu privremenu upotrebu shodno Odluci Općinskog načelnika.

(2) Naplatu i uplatu takse za a), b) i c) stava (1) ovog člana vrši lice koje upravlja slobodnim površinama.

**Član 16.**

**(Iznos takse za uređaje za isplatu i naplatu gotovine)**

Za postavljanje uređaja za isplatu i naplatu gotovine (bankomata i sl.), plaća se godišnje taksa po jednom komadu u iznosu od 500 KM.

**Član 17.**

**(Iznos takse za druge uređaje za naplatu)**

Za postavljanje svih drugih uređaja koji putem automatske obrade podataka naplaćuju usluge gotovinom, karticama za naplatu ili posredstvom telekom operatera (kafemati, parkomati i sl.), plaća se godišnje taksa po jednom komadu u iznosu od 200 KM.

**Član 18.**

**(Uplata takse)**

(1) Takse se uplaćuje na depozitni račun Općine Hadžići (vrsta prihoda 722322) i prihod je Općine.

(2) Sredstva ostvarena na osnovu naplate komunalne takse mogu se koristiti za tekuće održavanje lokalne saobraćajne i komunalne infrastrukture kojom upravlja Općina, za pokriće rashoda nastalih radom inspekcija kojima raspolaže Općina, kao i za druge namjene utvrđene pozitivnim materijalnim propisima (izmjena 1/26).

**Član 19.**

**(Povrat viška uplaćene takse)**

Povrat više ili pogrešno uplaćene takse za obavljanje djelatnosti vrši se prema odredbama Pravilnika o načinu uplate javnih prihoda budžeta i izvanbudžetskih fondova na teritoriji Federacije Bosne i Hercegovine (izmjena 1/26).

**Član 20.**

**(Taksene obaveze nakon objavljivanja Mišljenja Ustavnog suda Federacije Bosne i Hercegovine ("Službene novine Federacije BiH", broj 33/25))**

Taksene obaveze koje su nastale nakon objavljivanja Mišljenja Ustavnog suda Federacije Bosne i Hercegovine ("Službene novine Federacije BiH", broj 33/25) od 07.05.2025. godine, a koje se odnose na obavezu plaćanja takse na istaknutu firmu, neće se izvršavati (izmjena 1/26).

**Član 21.**

**(Stvarno nadležni organi za provođenje ove Odluke)**

- (1) Za provođenje ove Odluke zadužuje se Kantonalni porezni ured Sarajevo - Porezna ispostava Hadžići.
- (2) Porezna uprava će Općini Hadžići dostavljati izvještaj o prijavi/uplati taksenih obaveza i to dva puta godišnje, za prvu polovinu tekuće godine do 31.07. i za drugu polovinu tekuće godine do 31.01. naredne godine.
- (3) Služba za privredu, finansije i inspekcijski nadzor Općine Hadžići će vršiti povremene kontrole prijava i usklađenosti podataka sa Poreznom upravom.

**Član 22.**

**(Primjena Odluke)**

Stupanjem na snagu ove Odluke prestaje da važi Odluka o visini komunalnih taksi na području Općine Hadžići ("Službene novine Kantona Sarajevo", broj 1/19).

**Član 23.**

**(Stupanje na snagu)**

Ova Odluka stupa na snagu danom objavljivanja na Oglasnoj ploči zgrade Općine i bit će objavljena u "Službenim novinama Kantona Sarajevo"